

四庫全書

集部

欽定四庫全書

集部

歲時雜詠卷五至七

詳校官庶吉士臣柳邁祖

助教臣常循覆勘

總校官中書臣朱鈐

校對官典簿臣郭祚熾

謄錄監生臣鄧友樞

謄錄監生臣楊其梓

欽定四庫全書

歲時雜詠卷五

宋 蒲積中 編

人日 古詩

和人日晚景宴昆明池

庾信

餘春足光景趙李舊經過上林柳腰細新豐酒泛多小船行釣鯉新盤待摘荷蘭皋徒稅駕何處有凌波

正月七日登高侍宴

楊林之

廣殿麗年輝上林起春色風生拂雕輦雲迴浮綺翼

人日思歸

薛道衡

入春纔七日離家已二年人歸落鴈後思發在花前

七日登樂遊故基

盧照隣

四序周緹籥三正紀璿耀綠野變初黃暘山開曉眺中
天擢露掌匝地分星徼濮寢倦遺靈秦江想餘吊蟻泛
青田酌鶯歌紫芝調柳色搖歲華水文蕩春照遠迹謝
羣動高情符衆妙蘭游澹未歸傾光下岩竈

奉和人日清暉閣宴羣臣遇雪應制

六首

李嶠

三陽偏勝節七日最靈辰行慶傳芳蟻升高綴綵人階
前莫候月樓上雪驚春今日銜天造還疑上漢津

又

宗楚客

窈窕神仙閣參差雲漢間九重中葉啟七日早春還太
液天為水蓬萊雪作山今朝上林樹無處不堪攀

又

劉憲

輿輦乘人日登臨上鳳京風尋歌曲颺雪向舞行縈千

官隨興合百福與時并承恩長若此微賤幸昇平

又

蘇頲

樓觀空烟裏初年瑞雪過苑花齊玉樹池水作銀河七
日祥圖啟千春御賞多輕飛傳綵勝天上奏薰歌

又

李乂

上日登樓賞中天御輦飛後庭聯舞唱前席仰恩輝睿
作風雲起農祥雨雪霏幸陪人勝節長願奉垂衣

又

趙彥昭

出震乘東陸憑高御北辰祥雲應早歲瑞雪候初旬庭
樹千花發堦莫七葉新聿承今日宴長奉百年春

人日清暉閣遇雪應制

李嶠

千鍾聖酒御筵披六出祥英亂繞枝即此神仙對瓊圃
何須轍迹向瑤池

人日玩雪應制

趙彥昭

始見青雲干律呂俄逢瑞雪應陽春今日迴看上林樹
梅花柳絮一時新

人日侍宴大明宮應制

九首

李嶠

鳳城景色已含韶
人日風光倍覺饒
桂吐半輪迎此夜
莫開七葉應今朝
魚猜水凍行猶澁
鶯喜春聲美欲嬌
愧奉登高搖綵翰
欣逢御氣上丹霄

又

趙彥昭

寶契無為屬聖人
璚輿出幸玩芳辰
平樓半入南山霧
飛閣旁臨東野春
夾路穠花千樹發
垂軒弱柳萬條新
處處風光今日好
年年願奉屬車塵

又

劉憲

禁苑韶年此日歸東郊道上轉青旂柳色梅芳何處所
風前雪裏覓芳菲開水池內魚新躍剪綵花間燕始飛
欲識王游布陽氣為觀天藻競春輝

又

蘇頌

疏龍磴道切昭廻建鳳旂門繞帝臺七葉仙萼承月吐
千株御柳拂烟開初年競貼宜春勝長命先浮獻壽杯
是日皇靈知竊幸羣心就捧大明來

又

李又

吉旦行春上苑中憑高却下大明宮
千年執象褭瀛泰
七日為人慶賞隆
鐵鳳曾騫搖瑞雪
銅烏細轉入祥風
此時朝野歡無算
此歲雲天樂未窮

又

鄭愔

瓊殿含光映早輪
玉鑾嚴蹕望初晨
池開凍水仙宮麗
樹發寒花禁苑新
佳氣徘徊籠細網
殘英淅瀝染輕塵
良時荷澤皆迎勝
窮谷晞陽猶未春

又

沈佺期

拂旦雞鳴仙衛陳憑高龍首帝庭春
千官黼帳杯前壽
百福香奩勝裏人
山鳥初來猶怯
嚙林花未發已偷新
天文正應韶光轉
設報懸知用此辰

又

李適

朱城待鳳韶年至
碧殿疏龍淑氣來
寶帳金屏人已帖
圖花學鳥勝初裁
林香近接宜春苑
山翠遙添獻壽杯
向夕凭高風景麗
天文垂曜象昭回

又

閤朝隱

勾芒人面乘兩龍道是春神衛九重綵勝年年逢七日
餘醺歲歲滿千鍾宮梅間雪祥光徧城柳含烟瑞氣濃
醉倒君前情未已願因歌舞自為容

人日賜王公以下綵縷人勝

三首

崔日用

新年宴樂坐東朝鐘鼓鏗鏘大樂調金屋瑤筐開寶勝
花牋綵筆頌春椒曲池苔色水前液上苑梅香雪裏嬌

宸極此時飛聖藻微臣竊抃預聞韶

又

韋元旦

鸞鳳旌旂拂曉陳魚龍角觝大明辰青韶既肇人為日
綺勝初成日作人聖藻凌雲裁栢賦仙歌促宴摘梅春
垂旒一慶宜年酒朝野俱歡薦壽新

又

馬懷素

萬宇千門平旦開天容辰象列昭回三陽候節金為勝
百福迎祥玉作杯就暖風光偏著柳辭寒雪影半藏梅

何幸得參詞賦職自憐終乏馬卿才

人日雪臺觀打毬應制

二首

武平一

令節重遨遊分鑣戲綵毬
驂驪回上苑躑躅繞通溝
影就紅塵沒光隨赭汗流
賞闌清景暮歌舞樂時休

又

沈佺期

今春芳苑遊接武上瓊樓
宛轉縈香騎飄飄拂畫毬
俯身迎未落迴轡逐傍流
祇為看花鳥時時誤失籌

軍中人日登高贈房明府

宋之問

幽郊昨夜陰風斷
頓覺朝來陽候煖
涇水橋南柳欲黃
杜陵城北花應滿
長安昨晚寄春衣
短翮登茲一望歸
聞道凱旋乘驛騎
看君走馬見芳菲

人日登高

喬侃

僕本多悲者
年來不悟春
登高一遊目
始覺柳條新
杜陵猶識漢
桃源不辨秦
慙若昇雲霧
還似出囂塵
賴得烟霞氣
淹留攀桂人

人日兼立春小園宴

蘇頲

黃山積高坎表裏望亭邑白日最靈朝登攀盡原隰年
灰律候動陽氣開迎入烟靄長薄霧臨流小涇澁實明
莫我異詞賦當春立更與韶物期不孤東園集

在蜀州人日寄杜甫

高適

人日題詩寄草堂遙憐故人思故鄉柳條弄色不忍見
梅花滿枝空斷腸身在遠藩無所預心懷百憂復千慮
今年人日空相憶明年人日知何處一卧東山三十春
豈知書劍老風塵龍鍾還忝二千石愧爾東西南北人

追酬故高蜀州人日見寄

杜甫

開文書帙中檢所遺忘因得故高常侍往居在成都
時高任蜀州刺史人日相憶見寄詩淚洒行間讀終
篇末自枉詩已十餘年計存沒又六七年矣老病懷
舊生意可知今海內忘形故人獨漢中王瑀與昭州
敬使君超先在愛而不見情見乎詞大厯五年正月
二十一日追酬高公此作因寄王及敬弟

自枉蜀州人日作不意清詩久零落今晨散帙眼忽開

迸淚幽吟事如昨嗚呼壯士多慷慨合沓高名動寥廓
嘆我悽悽求友篇感時鬱鬱匡君畧錦里春光空爛漫
瑤池侍臣已冥莫瀟湘水國傍鼃鼃鄴杜秋天失鵬鶚
東西南北更堪論白首扁舟病獨存遙拱北辰纏冠盜
欲傾東海洗乾坤邊塞西番正充斥衣冠南渡多崩奔
鼓瑟至今悲帝子曳裾何處覓王門文章曹植波瀾濶
服食劉安德業尊長笛誰能亂愁思昭州詞翰與招魂

人日言懷

此日此時人共得一談一笑俗相看杯中栢葉休隨酒
勝裏金花巧耐寒佩劍衝星聊斲拔匣琴流水自須彈
早春重引江湖興直道無憂行路難

人日剪綵

余延壽

閨婦持刀坐自憐裁剪新葉催情綴色花寄手成春帖
燕留粧戶黏鷄欲向人擎來向夫婿何處不如真

酬郭厦人日長河感懷見贈

此公比經流
竄親在上都

劉長卿

舊日歡猶在，憐君恨獨深。新年向國淚，今日倚門心。
歲去隨湘水，春生近桂林。流鶯且莫弄，江畔正行吟。

和汴州李相公勉人日喜春 戴叔倫

年來日日春光好，今日春光好更新。
獨獻菜根憐節，遍傳金勝喜逢人。
烟添柳色看猶淺，鳥踏梅花落已頻。
東閣此時同一曲，翻令和者不勝春。

人日城南登高

韓愈

初正候纔兆，涉七氣已弄。靄靄野浮陽，暉暉水披凍。
聖

朝身不廢佳節古所用新交既許來子姪亦可從盤蔬
冬春雜樽酒清濁共令徵前事為觴詠新詩送扶杖陵
圯址刺船犯枯葑戀池羣鴨迴釋嶠孤雲縱人生本坦
蕩詎使忘倥傯直指桃李闌幽尋寧止重

人日送房十六侍御歸越 權德輿

驛騎歸時驄馬蹄蓮花府映若耶溪帝城人日風光早
不惜離堂醉似泥

人日立春 盧仝

春度春歸無限春
今朝方始覺成人
從今克已猶應及
願與梅花俱自新

人日陪宜州范中丞傳正與范侍御傳真宴東

峯亭

鮑防

人日春風綻早梅
謝家兄弟看花來
吳姬對酒歌千曲
秦女留人酒百杯
絲柳向空輕婉轉
罌山看日斷徘徊
流光易去歡難得
莫厭頻頻上此臺

人日即事

李商隱

文王喻復今朝是子晉吹笙此日同舜格有苗旬太遠
周稱流火月難窮鏤金作勝傳荆俗剪綵為人起晉風
獨想道衡詩思苦離家恨得二年中

人日梅花病中作

李羣玉

去年今日遊西寺獨把寒梅愁斷腸今年此日江邊宅
卧見瓊枝低壓牆半開半落臨野岼團情團思醉韶光
玉鱗寂寂飛斜月素艷亭亭對夕陽已被兒童苦攀折
更遭風雪移馨香洛陽桃李漸撩亂回首行宮春景長

人日代客子

陸龜蒙

人日兼春日長懷復短懷遙知雙綵勝併在一金釵

光啟三年人日逢鹿

司空圖

浮世仍逢亂安排賴道書勞生中壽少抱疾上昇疎日
暖人逢鹿園荒雪帶鋤知非今又過蘆瑗最憐渠

乙丑人日

自怪扶持七十身歸來又見故鄉春今朝人日逢人喜
不料傷生作老人

歲時雜詠卷五

欽定四庫全書

歲時雜詠卷六

宋 蒲積中 編

人日 今詩

惠州人日二首

蘇軾

曉雨暗人日
春愁連上元
水生挑菜渚
烟濕落梅村
小市人歸盡
孤舟鶴踏翻
總堪慰寂寞
漁火亂黃昏
北渚集羣鷺
新年何所之
盡歸喬木寺
分占結巢枝
生物會有役
謀身各及時
何當禁畢弋
看引雪衣兒

庚辰歲人日作時聞黃河已復北流老臣舊數

論此今斯言乃驗 二首

老去仍棲隔海村夢中時見作詩孫天涯已慣逢人日
歸路猶欣過鬼門三策已應思賈讓孤忠終未赦虞翻
典衣剝買河源米屈指新筩作上元

不用長愁挂月村桺生子竹生孫新巢語燕還窺研
舊雨來人不到門春水蘆根看鶴立夕陽楓葉見鴉翻
此生念念隨泡影莫認家山作本元

雅安人日次舊韻二首

人日滯留江上村
定知芳草怨王孫
題詩寄遠方揮翰
扶杖登高獨出門
柳色忍看成感嘆
花前歸思自飛翻
浮陽披凍雖才弄
已覺春工漏一元

似聞高隱在前村
坐膝扶牀戲子孫
自賞春光攜桂酒
喜逢晴色款柴門
屏間帶日金人活
頭上迎風綵勝翻
蓬鬢扶疎吾老矣
豈能舊貌改新元

人日獵城南者十人
以身輕一鳥過槍急萬人

呼為韻得鳥字

兒童笑使君憂愠長悄悄誰拈白接羅令跨金驪裏東
風吹濕雪手冷怯清曉忽發兩鳴鶻相趁飛蟲小放弓
一長嘯目送孤鴻矯吟詩忘鞭轡不語頭自掉歸來仍
脫粟鹽豉煮芹蓼何似雷將軍兩眼霜鵲皎黑頭已為
將百戰意未了馬上倒銀瓶得兔不暇燎少年負奇志
蹭蹬百憂繞回首英雄人老死亦不少青春還一夢餘
年真過鳥莫上呼鷹臺平生笑劉表

人日

宋 祁

綵勝香羹樂上春
我懷前事悵佳辰
瞿曇尚笑浮生假
況鏤黃金假作人

人日

唐 庚

人日傷心極
天時觸目新
殘梅詩興晚
細草夢魂春
挑菜年年俗
飛蓬處處身
蟄願頻語及
髣髴到朱津

人日立春舟行寄福州燕二司封

蔡 襄

渚溪潮上送行船回望高城隔曙烟景色似看名畫展
醉魂猶憶壽杯傳春盤食菜思三九人日書幙誦百千
南國逢君惟道舊後時何處笑今年

又寄興化徐虞部

梅花狼藉拂輕舟人日溪行動客愁上國去程初北首
故山歸思滿東流垂垂朝雨隨雙槳草草春蔬送一甌
不獨懷鄉便多感看人難似府君侯

人日書事

沈 邁

四十三年夢寐間夢中之夢不堪圓閱來世事同歸盡
得箇人身似可憐分有窮通非我病天教畜產在吾先
自一日至六日雞犬
猪羊牛馬皆畜產 藜羹一啜君休笑猶勝家無種藿

田

人日得人字韻五首

陰陽而上更無神密幹元樞運化輪齒髮變來雖故我
羽毛閱過乃新人口冰幽鳥初調弄腰局寒虵學欠伸
受得吾身靈萬物毋因萬物役吾身

薺碗黃錢醺戶神戶開朝日涌銅輪覺來高枕五更夢
別是新年一箇人脚騁勝遊無賽健眉逢樂事即時伸
身名與貨分差等誤認親疎即誤身

開花一掬漂精神井上牙機轉轆輪煎餅露庭薰上帝
妝梅覆額惱佳人香蔬七種美甌爽瑞象雙趨體段伸
舉世有身斯有患能知無我便無身

生涯耕學自頤神不羨紆朱駕兩輪戴命六牲皆統日
更新七晝別成人海棠雨過胭脂潑池皺風平越穀伸

萬物逢春猶振動肯將局踏束間身

一盞勾芒酌種神禾田轉動碾禾輪花間老少中分景
壠上閒忙折半人門館有春貧不富林泉無位屈而伸
兩卮樽酒詩千首不負東皇不負身

歲時雜詠卷六

欽定四庫全書

歲時雜詠卷七

宋 蒲積中 編

上元古詩

宴光壁殿詠遙山燈

陳後主

照耀浮輝明飄飄落燼輕枝多含樹影煙上帶玲生雜
桂還如月依柳更疑星園中鶴采麗池上鳧飛驚

三善殿夕山燈

重岫多風煙華燈此岫邊涸浦如珠露彫樹似花鈿依

樓雜渡月帶石影開蓮既有帶滿照羞與曉星連

上元夜於通衢建燈夜升南樓 隋煬帝

法輪天上轉梵聲天上來燈樹千光照花焰六枝開月影凝流水春風含夜梅幡動黃金地鐘發琉璃臺

和通衢建燈應教

諸葛穎

芳衢澄夜景法炬爛參差逐輪時徒燄桃花生落枝飛煙繞定室浮光映瑤池重閣登臨罷歌管乘空移

上元夜效小庾體詩 并序

長孫正隱

夫執燭夜游古人之意豈不重光陰而好娛樂哉且
星度如環晷纔周而已襲月華猶鏡魄哉生而遽圓
忽兮遇春俄兮臨望重城之扇四闢車馬轟聞五劇
之燈九華綺羅紛錯茲夕何夕而遨遊之多趣乎且
九谷帝畿三川奧域交風均露上分朱鳥之躔沂洛
背河下鎮蒼龍之闕多近臣之第宅即瞰銅街有貴
戚之樓臺有連金穴美人競出錦帳如霞公子交馳
琯鞍似月同遊洛浦疑尋稅馬之津爭渡河橋似向

牽牛之渚實昌年之樂事令節之佳遊者焉而戒曉
嚴鐘俄喧綺陌分空落宿已半朱城蓋陳良夜之歡
共發乘春之藻仍為庾體四韻成章同以春為韻

崔知賢

今夜啟城闌結伴戲芳春鼓聲撩亂動風光觸處新月
下多遊騎燈前饒看人歡樂無窮已歌舞達明晨

陳嘉言

今夜可憐春河橋多麗人寶馬金為絡香車玉作輪連

手窺潘掾分頭看洛神重城自不掩出向小平津

韓仲宣

他鄉月夜人相伴看燈輪光隨九華出影共百枝新歌
鐘盛北里車馬沸南隣今宵何處好唯有洛城春

高瑾

初年三五夜相知一兩人連鑣出巷口飛轂下池湄燈
光恰似月人面併如春遨遊終未已相歡待日輪

陳子昂

三五月華新遨遊逐上春相邀洛城曲追宴小平津樓
上看珠妓車中見玉人芳宵殊未極隨意守燈輪

長孫正隱

薄晚嘯遊人車馬亂驅塵月光三五夜燈焰一重春煙
雲迷北闕簫管識南隣洛城終不閉更出小平津

正月望夜上陽宮侍宴應制 薛曜

重闕鐘漏通夕敞鳳皇宮雙闕祥煙裏千門明月中酒
杯浮湛露歌曲唱流風侍臣咸醉止常慙思遇豐

十五夜觀燈

盧照鄰

錦里開芳宴，蘭缸艷早年。
綉綵遙分地，繁光遠綴天。
接漢疑星落，依樓似月懸。
別有千金笑，來映九枝前。

夜遊

沈佺期

今日重門啟，遊春得夜芳。
月華連晝色，燈影雜星光。
南陌青川浦，東鄰紅粉妝。
管絃遙辨曲，羅綺暗聞香。
人擁行歌路，車攢鬪舞場。
經過猶未已，鐘鼓出長楊。

正月十五日

蘇味道

火樹銀花合星橋鐵鎖開暗塵隨馬去明月逐人來遊
妓皆穠李行歌盡落梅金吾不禁夜玉漏待相催

軒遊宮十五夜

明 皇

行邁離秦國巡方赴洛師路逢三五夜春色暗中期闕
外長河轉宮前淑氣遲歌鍾對明月不減舊遊時

正月望夜

郭利正

九陌連燈影千門度月華傾城出寶騎匝路轉香車爛
慢唯愁曉周遊不問家更逢清管發處處落梅花

元夕 六首

崔液

今年春色勝長年
此夜風光最可憐
鵲鵲樓前新月滿
鳳凰臺上寶燈燃

玉漏銅壺且莫催
鐵關金鎖徹明開
誰家見月能閒坐
何處逢燈不看來

神燈佛火百輪張
刻像圖容七寶裝
影裏如聞金口說
空中似散玉毫光

金勒銀鞍空紫駟
玉輪朱幃駕青牛
驂驪始散東城曲

倏忽還來南陌頭

公子王孫意氣驕不論相識也相邀最憐長袖風前弱

更賞新絃暗裏調

星移漢轉月將微露洒煙飄燈漸稀猶惜道傍歌舞處
踟躕相顧不能歸

十五夜御前口號踏歌詞 二首 張說

花萼樓前雨露新長安城裏太平人龍銜火樹千燈艷
雞踏蓮花萬歲春

帝宮三五戲春臺
行雨流風莫妬來
西域燈輪千影合
東華金闕萬重開

和黃門舅十五夜作

蘇頲

聞君陌上來
歌管沸相催
孤月連明照
千燈合暗開
寶裝遊騎出
香繞看車迴
獨有歸閒意
春庭伴落梅

正月十五夜應制

孫逖

洛陽三五夜
天子萬年春
綵仗移雙闕
瓊筵會九賓
舞成蒼頡字
燈作法王輪
不覺東方日
遙隨御綵新

奉和聖製十五夜燃燈醮宴應制 王維

上路笙歌滿春城刻漏長遊人多晝日明月讓燈光魚
鑰通翔鳳龍輿出建章九衢陳廣樂百福透名香仙妓
來金殿都人遶玉堂定應偷艷舞從此學新妝春引迎
三事司儀列萬方願將天地壽同以獻君王

同楊比部十五夜有懷靜者

承明少休沐建禮省文書夜漏行人息歸鞍落日餘豈
知三五夕萬戶千門闕夜出曙翻歸傾城滿南陌陌頭

馳騁盡繁華王孫公子五侯家由來明月如白日共道
春燈勝百花聊看侍中千寶騎強識小嬪七香車香車
寶馬共喧闐箇裡多情俠少年競向長楊柳市北肯過
精舍竹林前獨有仙郎心寂寞却將宴坐為行樂倘覓忘
懷共往來幸霑同舍甘藜藿

上元夜憶長安

顧況

滄洲老一年老去憶秦川處處逢珠翠家家聽管絃雲
車龍闕下火樹鳳樓前今夜滄洲夜滄洲夜月圓

觀燈

張蕭遠

十萬人家火燭光
門門開處見紅粧
歌鐘喧夜更漏暗
羅綺滿街塵土香
星宿別從天畔出
蓮花不向水中芳
寶釵驟馬多遺落
依舊明朝在路傍

元夕觀燈

暫得金吾夜
通看火樹春
停車傍明月
走馬入紅塵
妓雜歌偏勝
觴移舞更新
應須盡記取
說向不來人

正月十五夜

熊孺登

漢家遺事今宵見
楚郭明燈幾處張
深夜嬌歌聲絕後
紫姑神下月蒼蒼

上元紫極宮內觀州民燃燈張樂

羊士諤

山郭通衢隘瑤壇
洞府深燈花助春意
舞綴識歡心閒
似淮陽卧恭聞樂職吟
唯將聖明化聊以達飛沉

燈影

元稹

洛陽晝夜無車馬
漫挂紅紗滿樹頭
見說平時燈影裏

玄宗潛伴太真遊

正月十五日夜月

歲熟人心樂朝遊復夜遊
春風來海上明月在江頭
燈火家家市笙歌處處樓
無妨思帝里不合厭杭州

上元夜東林寺學禪偶懷藍田楊主簿因呈智
禪師

新年三五東林夕星漢迢迢鐘梵遲花縣當君行樂處
松房是我坐禪時忽看月滿還相憶始嘆春來自不知

不覺定中微念起明朝更問雁門師

長安上元日

誼誼車騎帝王州
羈病無心逐勝遊
明月春風三五夜
萬人行樂一人愁

上元日二首

唐文宗

上元高會集羣仙
心齋何事欲祈年
丹爐僮僮玉帝座
且共吾人慶大田

莫生三五葉初齊
上元羽客出桃蹊
不愛仙家登真訣

願蒙四海福黔黎

上元夜建元寺觀燈呈智通上人

章碣

建元看別上元燈處處回廊闌火層珠玉亂拋高殿佛
綺羅深拜遠山僧臨風走筆思呈慧到晚行禪合伴能
無限喧闐留不得月華西下露華凝

上元夜燈

開元雜曲中題

張說

千門開鎖萬燈明正月中旬動帝京三百內人連袖舞

一時天上著詞聲

上元夜聞京有燈恨不得觀 李商隱

月色燈光滿帝都香車寶馬隘通衢身閒不覩中興盛
羞逐鄉人賽紫姑

觀山燈獻徐尚書 二首并序 段成式

尚書東苑公鎮襄之三年四維具舉而仍歲穀熟及
上元日百姓請事山燈以報穰祈祉也時從事及上
客從公登城南樓觀之初爍空燠谷漫若朝炬忽驚

狂燒卷風撲綠一峯如塵烘旆色如波殘鯨鬣如霞
駭如珊瑚露如丹蛇蛟離如朱草藂藂如芝之曲如
蓮之擎布宇而疾抵電書寫塔而爭同蜃構亦天下
一絕也成式辭多嗤累學未該悉策山燈事唯記陳
後主宴光壁殿遙詠山燈詩云雜桂還如月依柳更
疑星輒成三首以紀壯觀

風杪影凌亂露輕光陸離如霞散仙掌似燒工蛾眉道
樹千花發扶桑九日移因山成衆像不復藉螻蛄

湧出多寶塔往來飛錫僧分明三五月傳照百千燈馴
狢移高柱慶雲遮半層夜深寒夜白猶自綴金澠

磊落風初定輕明雲乍妨疎中搖日綵繁處雜星芒火
樹枝柯密燭龍鱗甲張窮愁讀書者應得假餘光

奉和三首

溫庭皓

一峰當勝地萬點照嚴城勢異崑崗發光疑玄圃生
書翻見字舉燧不招兵況遇新春夜何勞秉燭行

九枝應並耀午夜思潛然景集青山外螢分碧草前輝

華侵月影歷亂寫星躔望極高樓上搖光滿綺筵
春山收暝色燭火集餘輝麗景饒紅焰祥光出翠微白
掄行自比青桂影相依唯有偷光客追遊欲忘歸

奉和三首

韋 蟾

新正圓月夜猶重看燈時累塔嫌沙細成文訝筆遲歸
牛疑燧落過雁誤書遺生惜蘭膏盡還為隔歲期
舉燭光纔起揮毫勢竟分點時驚墜石挑處接崩雲辭
異秦丞相銘非實冠軍唯愁殘焰落逢玉亦俱焚

多寶神光動生金瑞色浮照人低入郭伴月更當樓重
穴應無取焚林固有求夜闌陪玉帳不為九枝留

上元日寄湖杭二郡從事 李 郢

巒別山燈憶水燈山光水焰百千層謝公留賞山公喚
如入笙歌阿邨朋

紫極宮上元齊次呈諸道流

碧簡朝天章奏頻清宮髣髴降靈真五龍金角向星斗
三洞玉音愁鬼神風拂亂燈山磬曉露霑仙杏石壇春

明朝醮罷羽客散塵土滿城空世人

上元日道室熱修寄襲美
陸龜蒙

三清今日聚靈官玉刺齊抽謁廣寒執蓋冒花香寂歷
侍晨交珮响闌珊

執蓋侍晨皆
仙之貴侶

將排鳳節分階易欲校

龍書下筆難唯有世塵中小兆夜來心拜七星壇

次韻

皮日休

明真臺上下仙官玄藻初吟萬籟寒飈御有聲時杳杳
寶衣無影自珊珊
藍書乞見齊心易玉籍來添拜首難

端簡不知清景暮靈蕪香燼落金壇

上元日惜春寄襲美

陸龜蒙

六分春色一分休滿眼東波盡是愁花匠礙寒應束手
酒龍多病尚垂頭無窮懶惰齊中散有底機謀敵右侯
見織短蓬裁小檝拏煙閒弄個漁舟

奉酬惜春見寄

皮日休

十五日中春日好可憐沉痾冷如灰以前雖被愁將去
向後須教醉飲來梅片盡飄輕粉靨柳芽初吐爛金醅

病中無限花番次為約束風且住開

影燈夜 二首

薛能

偃王燈塔古徐州二十年來樂事休此日將軍心似海
四更身領萬人游

十萬軍城百萬燈酥油香煖夜如蒸紅粧滿地煙光好
祇恐笙歌引上昇

丁巳上元日放二雉

嬰網雖皆困塞籠喜共歸無心期爾報相見莫驚飛



歲時雜詠卷七

欽定四庫全書

集部

歲時雜詠卷八

詳校官庶吉士臣柳邁祖

助教_臣常循覆勘

總校官中書_臣朱鈐

校對官典簿_臣郭祚熾

謄錄監生_臣楊其梓

欽定四庫金書

歲時雜詠卷八

宋 蒲積中 編

上元 今詩

惠州上元

蘇軾

前年侍玉案

一作輦

端門萬枝燈壁月掛罽毼珠星綴觚

稜去年山中守老病亦宵興紅旗穿夜市鐵馬響春冰

今年江海上海雲房寄山僧亦復舉膏火松間見層層散

策挑擲林林疎月翦髻使君置酒罷簫鼓轉松陵狂生

來索酒

賈道人也

一飲輒數升浩歌出門去我亦歸曹騰

次韻劉景文路分上元

華燈閼艱歲冷月掛空府三吳重時節九陌自歌舞云
從月既望遂至一百五嘉辰可屈指樂事相繼武今宵
掃雲陣極目淨天宇嘻遊各忘歸闐咽須未覩飛毬互
明滅激水相吞吐老去反兒童歸來尚饒鼓新年消暗
雪舊歲添絲縷何時九江城相對兩漁父

予舊欲卜居廬山景文近

買宅
江州

和蘇州太守王規甫侍太夫人觀燈之什余時
以劉道原見訪滯留京口不及赴此會 二首

不覺朱轡輟後塵爭看繡幃錦纏輪洛濱侍從三人貴
京兆平辰一笑春但遂東山携伎女那知後閣走窮賓
滯留不見榮華事空作賡詩第七人

翻翻緹騎走香塵激激飛濤射火輪美酒留連三夜月
豐年傾倒五州春

時浙西皆以不熟
罷燈惟蘇州獨盛

安排詩律追強對

踴躍歸期為惡賓墜珥遺簪想無限華胥猶見夢回人

祥符寺九曲觀燈

紗籠擎燭逢門入，銀葉燒香見客邀。
金鼎轉丹光吐夜，寶珠穿蟻鬧連宵。
波翻焰裏元相激，魚舞湯中不畏焦。
明日酒醒空想像，清吟半逐夢魂銷。

戊寅上元過子赴使君會

使君置酒莫相違，守舍何妨獨掩扉。
坐看月窓盤蜥蜴，靜聞風幔落蜘蛛。
燈花落盡吾猶夢，香篆殘時汝欲歸。
搔首淒涼十年事，傳柑歸遺滿朝衣。

庚辰上元示過次舊韻

春鴻社燕巧相違
白鶴峰頭白板扉
石建方欣洗禰廁
姜龐不解歎蠨蟧
一龕京口嗟春夢
萬炬錢塘憶夜歸

合浦買珠無復有
當年笑我泣牛衣

戊寅上元在儋耳過子夜出余獨守

舍作遠字韻今庚辰上元已再期矣家在惠州白鶴峯下過子不眷婦子從余此來其婦亦篤孝惕然感之故和前篇有石建姜龐之句又復憚懷同安君李章故復有牛衣之句悲君亡而喜余存也

次韻叔觀燈

安西老守是禪僧
到處應燃無盡燈
永夜出遊從萬騎

諸羌入看擁千層便因行樂令投甲不用防秋更打水
振旅歸來還侍燕十分宣勸恐難勝

次韻王晉卿上元侍宴端門

月上九門開星河繞露臺君方枕中夢我亦化人來光
動仙毬縵香餘步輦回相從穿萬馬衰病若為陪

上元侍飲樓上三首呈同列

澹月疎星繞建章仙風吹下御爐香侍臣鵠立通明殿
一朵紅雲捧玉皇

薄雪初消野未耕
賣薪買酒看昇平
吾君勤儉倡優拙
自是豐年有笑聲

老病行穿萬馬羣
九衢人散月紛紛
歸來一點殘燈在
猶有傳柑遺細君

四十年前元夕與故人夜遊得此句

午夜朧朧淡月黃
夢回猶有暗塵香
從橫滿地霜槐影
寂寞蓮燈半在亡

題祥符久師房上元日

門前歌鼓闌分明一室蕭然冷欲冰不把琉璃閒照佛
始知無盡本無燈

次韻定國上元閒遊見寄

三首

蘓轍

棄柳良宵君謂何清天流月鑑初磨莫辭病眼羞紅燭
且試春衫翦薄羅蓮艷參差明綉戶舞腰輕瘦轉新歌
少年微服天街闊何處相逢解珮珂

繁燈厭倦作閒遊行列僧居院院留月影隨人深有意
車音爭陌去如流酒消鑿落寧論小魚照琉璃定幾頭

過眼繁華真一夢終宵寂寞未應愁

燈火熏天處處同暗遊應避栢臺驄高情自放喧闌外
勝事偏多淡泊中平日交遊徒夢想都留歌吹憶年豐
知君未有南來意歸去相從先與鴻

上元後一日觀燈寄王四

城頭月減一分圓城裏人家萬炬然紫陌羣遊逢酒伍
紅裙醉舞向人妍且爲行樂終今夕共道重來便隔年
遙想猖狂夜深處河沙飛水濕歸鞦

上元夜作

司馬光

老去年華祇自驚又逢嘉節向新城
春凌半夜寒猶重月到中天色更清
上客風流連宿醉遊人歌調得新聲
還思鳳闕行時令紅徹朱攔萬燭明

和次道大慶殿上元迎駕

鳳律年華到尚新九重氣象已成春
片雲低拂羽林仗宿雨先清紫陌塵
玉殿鳴鞘傳警蹕彤庭委珮集簪紳
闕前無復龍魚戲自有驪遊億萬人

閏正月十五日夜監直對月懷諸同舍二首

霧淨金波溢天高碧幕空
夜寒雖料峭春意自冲融
熠枝上露修修竹抄風暫還林野興不似畜樊籠

澹薄春雲散低昂北斗橫
徹分漢津鴈靜識建章更濁
酒怜虛爵高文憶友生前軒空不掩悵息負孤清

和子淵元夕

神降蕉蓐鬬角齊銀蟾金影玉繩低
風傳絲管交加發
燈滉星河上下迷清醴橫飛金鑿落香塵不染錦障泥

誰知此夕齋祠客近在宮城槐柳西

上元書懷

老去春無味年年覺病添酒因脾積斷燈爲目疴嫌勢
位不知好紛華久已厭唯餘讀書樂暖日坐前簷

和子華相公上元遊園 二首

明月華燈望衆樂寒梅日榭與公遊橫霄午枕蠲春困
誰擬連宵醉玉甌

和上元日遊南園賞梅花

梅簇荒臺自可羞相君愛賞戀宵遊未言美實和羹味
且薦清香泛酒甌

上元戲呈貢父

王安石

車馬紛紛白晝同萬家燈火暖春風別開閭闔壺天外
特起蓬萊陸海中盡取繁華供俠少只分牢落與衰翁
不知太乙遊何處定把青藜獨照公

上元從駕集禧觀

照陵持橐從遊人更見熙寧第四春寶構中開移玉座

華燈錯出映垂紳樓前時看新歌舞仗外還如舊繳巡
投老逢時追往事却含愁思渡天津

癸卯追感正月十五日事

正月端門夜金輿縹緲中傳觴三鼓罷縱觀萬人同警蹕
聲如在嬉遊事已空但令千載後追詠太平功

上元夜戲作

馬頭乘興尚誰先曲巷橫街一一穿會道滿城無國艷
不知春戶鎖嬋娟

和孫右司杭州道上過元夕 張無盡

三五皇州夜色鮮使君方事武陵蠻
華燈邈想端門外翠輦初臨太一還
月滿九衢聞舜樂雲開雙闕見堯顏
自憐風雨新城道陟彼崔嵬我馬艱

平陽道中通上元

元夕吾何處吾行次晉郊樂棚垂葦席
燈柱縛松梢狸婦朱雙臉村夫赤兩
轂春田誇積雪酒膽醉仍嘍

上元秭歸溪西社火點燈二首

萬丈遊燈遠石坡溪西保社事黃魔草花灼灼迎新福
腰鼓鼕鼕踏舊歌

溪西燈社寶蓮臺一點光明遠更開料得長楊宮裏見
却疑仙仗下雲來

次韻子瞻元夕扈從端門 三首

黃庭堅

赭黃繖底望龍章不斷唯聞寶炬香一片韶音歸複道
重瞳左右列英皇

端門魏闕鬱崢嶸燈火成山輦路平不待上林鶯百轉
教坊先已進春聲

仗下蕃夷各一羣機泉如雨自繽紛
觀香案傍邊吏却是茅山大小君

和宋中道元夕十一韻

梅堯臣

鼓聲闐闐衆戲屯萬仞太華臨端門
端門兩廂多結綵公卿嬌女爭交奔
接板連牀坐珠翠簾疎不隔天妍存
車駕適從馳道入燈如徹星天向昏
赭衣已御鳳樓上

露臺室看簇鈿轅山前絳綃垂露薄火龍矯矯紅波翻
金吾不飭六街禁少年追逐乘大宛呼庖索醕關豐美
東市幢幢西市喧持錢不數買歌咲玉杓注飲琉璃盆
小而精悍監主簿夜對經史多討論比諸豪俠乃自苦
明日苜蓿盈盤飧

正月十五夜出遊

不出只愁感出遊為自寬貴賤依儔匹心復殊不歡漸
老情易厭欲之意先闌却還見兒女不語鼻辛酸去年

與母出學母施朱丹今母歸下泉垢面衣少完念爾各
尚幼藏淚不忍看推燈向壁臥肺腑百憂攢

和宋中道元夕

結出當衢面九門華燈滿國月半昏春泥踏盡遊人繁
鳴畢下天歌吹喧深坊靜曲走半轅爭前鬪盛忘卑尊
靚粧麗服何柔溫交觀互視各吐吞磨肩一過難久存
眼尾獲笑迷精魂貂裘比比王侯孫夜闌鞍馬相馳奔
上元從主人登尚書省東樓

閭闔前臨萬歲山，燭龍銜火夜珠還。
高樓迥出星辰裏，曲蓋遙瞻紫翠間。
輾轆車聲碾明月，參差蓮焰競紅顏。
誰教言語如鸚鵡，便著金籠密鎖關。

自和

沉水香熱金博山，杜陵誰復與車還。
馬尋綺陌知何曲，人在珠簾第幾間。
法部樂聲長滿耳，上樽醇味易酡顏。
更貧更賤皆能樂，十二重門不上關。

又和

康莊咫尺有千山欲問紫姑應已還人似嫦娥來陌上
燈如明月在雲間車頭小女雙垂髻簾裡新妝一破顏
却下玉梯鷄已唱謾言齊客解偷闕

和宋中道元夕

春風未解吹殘雪燈燭迎陽萬戶燃競看繁星在平地
不妨明月滿中天赭袍已向端門御仙曲初聞法部傳
車馬不閒通曙色康莊時見拾珠鈿

和王景彝正月十四日夜有感

燈光暖熱夜催春
天半樓開飲近臣
馳道橫頭起山岳
露臺周匝簇車輪
隔簾艷色多相照
下馬輕豪各競新
我已暮年殊趣嚮
濃油一盞按邊身

次韻和景彝元夕雨晴

春雲收莫城九陌
洒然清星出紫霄
下月從滄海明車
音還似畫鼓响已
知晴靜閉衡門卧
無心學後生

元夕同次道中道平叔如晦賦詩得閒字

金輿在閭闔簫吹
滿人寰九陌行如
畫千門夜不關星

通河漢上珠亂里閭間誰與聯輕騎宵長月正閒

上元雪有感 二首

去年昭亭陽今夜苦風雪及雪在京城宵燈亦為滅
石花廣袖輕梅蕊新粧潔忽忽競迎家陌上亂車轍

上元雪

春雪如蝴蝶春燈如百花漫漫飛不已愁殺萬千家我
今無復夢擁被讀南華

次韻王景彝正月十六日夜省宿過景靈街

宮街不閉東城月圓影纔虧夜色春自躍金羈來宿省
從他錦帳漫誇人燈光遠近疑爭晝歌管高低競起塵
我老都無游樂意似君情況睡侵晨

上元夕有懷子華閣老

一歲老一歲新年思舊年東樓嘗共望九陌聽爭先白
髮更中笑舞姝應轉妍追隨都已倦強對月明前

上元輦下觀燈

韓維

絳焰疑空照寶壺月華通夕九門開倚歌玉甃能高下

街詔丹鳧自去來仙醴沉酣遼海使風詞雄麗帝王材
爲民祈福年年事長對南山托壽杯

辰州上元

王庭珪

留滯遠湘浦飄如雲水僧來爲萬里客又看一年燈翠
憶褰珠箔高樓俯玉繩鰲山今夜月應上最高層

上元口號

張正已

綉車簫鼓動香街鐵鎖龜城度曉開仙鳳傳香留蜀國
夜龍啣燭上蓬萊月如流水隨天遠人似天桃出洞來

無限風光追不盡只驚信馬到瑤臺

和魏衍元夜同登黃樓

陳師道

車馬競清夜人物秀三楚望臨得免俗茲樓豈時睹同
來兩稚子冠者亦四五落落俱可人頗亦厭歌鼓山月
出未高潛鱗動寒渚牆燈接疎星奪目粲不數魏侯轉
物手百好趨就叙得句未肯吐秀氣出眉宇水淨納行
影山空答修語夜氣稍侵肌鳥駭去其侶清游豈有極
喜事戒多取投靜未免喧於今豈非古永懷寂寞人南

北忘在所橫嶺限魚鳥作書欲誰與情生文自哀意動
足復佇憑檻共一默望舒已侵午

和元夜

笳鼓喧燈市東輿避火城彭黃爭地勝汴泗迫人清梅
柳春猶淺闕山月自明賦詩隨落筆端復可憐生

上元夜飲值文安君誕辰

張耒

新正值嘉節時雨霽良宵林垌敞梵刹香煙覆白毛士
女傾都出夾路輪蹄驕誰能衡茅下寂寞守無聊載御

芳蘭饌無辭玉色醪
況值私庭慶祝壽
比蟠桃

壬午正月望夜赴臨汝宿襄城古驛縣有古寺
家人輩夜往焚香襄城古邑也可以眺二室地
爽壇退之所謂潁水嵩山豁眼明者癸未元夕
謫居齊安携家遊定惠妙園承天大雲東禪蓋
出雨夜有感示秬秸

江城收燈寒寂歷里巷閉門不復出
蓬茅數屋逐臣廬
門前樵牛卧斜日
老人擁褐爐前睡
夜冷不眠思往事

去年襄城古驛亭野一作郵縣風埃尋古寺周楚川原氣

象存峴山紫邏秀連雲地留寶鼎周京貴山拱泥金神

岳尊齊安江山漁樵市誰料今年身到此大江遶郭風濤

翻城中岡隴無平地青紅剪綵奎影燈漁夫樵婦來相

仍短簫急鼓聚兒女叢詞夜半鷓鴣驚浮生夢境何足

計呼童且閉柴門睡百年江上誰得知干木隨身聊一

戲

上元日早起贈同遊者

夜長人散殘更月曉陌空存舊車轍彩燈城市已春風
枯木人家猶鵬雪強起相逢酒未醒殘膏宿火尚熒熒
歸來更拂障泥錦金約黃昏信馬行

上元日思京輦舊遊三首

萬雉春城碧絳霄上元雕輦盛遨遊遲遲瑞日低黃繖
燦燦榮光上赭袍雲捲珠簾開綵雉山蟠玉闕枕仙鼇
長安一別將華髮溪竹山松夜寂寥

九門燈火夜交光羅綺風來撲鼻香信馬恣穿深柳巷

隨車偷看隔簾粧身拘薄宦安知樂心逐流年暗減狂
留滯山城莫嗟歎貂蟬從古屬金張

隨計當年寄玉京一時交結盡豪英倒觥零亂迷籌飲
醉帽斜欹並轡行仕路飛騰輸俊捷山城留滯感功名
茲辰強酌清樽酒寒氣蕭蕭月正明

和宋二上元迎駕

拜揖清光咫尺間雕輿欲度更林班蓬萊不動鰲頭穩
閭闔未開天上闕老去一官居簡策春來歸夢滿淮山

自慚衰病猶隨俗醉逐遊人月下還

上元後步西園

物態欣欣換舊年收燈城市却蕭然
風光欲到冰霜樹日月初回雨露天
近水遠山情杳杳碧雲芳草思綿綿
酬春欲辦千釭酒洒掃花前作醉眠

上元夜得三絕句

清晨謁帝大明宮拜賜歸來夜過中

余在秘書近十年每歲上元晨趨大

慶迎駕近晚駕回駐大慶門上宰相已下普皆賜茶酒
拜謝過擇一二同舍擇勝處縱觀至夜分醉歸歲率以

爲常一夢十年身老矣山城風月作過從

沽酒壚邊人若市
美商亭下浪連天
張君官況今如此
豈有功夫作醉眠

江邊燈火似秋螢
哀怨山歌不忍聽
自怪今春牢落甚
禪房止酒讀騷經

上元阻雪和景方

羨君年少感遊春
顧我無聊似厄陳
東市牛車泥到飲
不勞舉袂障紅塵

正月十八日四絕句

幽人睡足聞春鳥共喜暉暉日滿籬
里巷收燈人寂寞
隣家夫婦賃春歸

收燈城市接荒村
翁媪耽眠日已曷
何事牧童能早起
緩驅白牯出柴門

道傍蘭若冷於秋
近客開門一比丘
夜久無人風露冷
空廊飢鼠竊膏油

山下書生業讀書
荻籬菖蔓避人居
最憐無奈窮耽酒

時遣羸童致一壺

奉和聖製上元夜

晏殊

蘭燈照夕開
南闕星弁飛
樓拱北辰在
鎬正逢全盛日
祝堯皆是太平人
流風舞妙翻成字
積雪歌長迴遠塵
鸞鵲寶函頒睿什
明良賡載想同倫

扈從觀燈

詰旦雕輿下
桂宮盛時為樂興
民同三千世界笙歌裏
十二都城錦繡中行漏
不能分晝夜遊人無復辨西東

歸來更坐礁嶢闕萬樂錚錚蠟炬紅

奉和聖製上元夜

勾芒司節令鵲火中星規廣陌消塵霧重城集宴嬉仙
韶聞玉琯寶焰列瓊枝萬國同嘉會胥庭即此時

奉和聖製上元三首

協風陽律應滿砌芙蓉新絳闕羅千衛華燈曜百輪悠
悠未央夜粲粲彼都人萬寓今無外登臺共樂春

鳳掖千門迥金缸四照然市闌通夜闕歌肆與雲連疊

鼓迷清漏遊車際曉天泛膏仍潔祀蠶麥佇登年
鵲火告中時皇州盛若茲九陽同化洽萬彙得春熙樓
月將收晚歌雲欲度遲布和周海域翺蠕遂攸宜

上元夕次韻答張諫議

歌吹歡娛夕衡門可屬垣九城寒漏徹三市寶燈繁酒
想嵇山醉詩慙淺樂翻如容陪後乘那避八騶喧

次韻和天章范待制上元從事會靈觀

春鶯欲滿枝荷橐從遊時旭日生華蓋靈風入羽旗酒

金史卷八
卷八
含琬玉淺香度博山遲共識天顏近都忘晝漏移

丁卯上元燈夕 二首

九衢風靜燭無煙寶馬香車往復還三十二天應降瑞
盡移星斗照人間

百萬人家戶不扃管絃燈燭沸重城遊車正滿章臺陌
爲報天鷄莫浪鳴

正月十九日京邑上元收燈之日

星逐綺羅沈曙色月隨絲管下層臺千輪萬轂無尋處

祇似華胥一夢迴

元夕

星粲寶燈連九市
水流香轂渡千門
姮娥有似隨人意
柳際花前月半昏

上元日詣昭應宮分獻凝命殿以憲職不預班
健獨歸書事

別殿香三炷
斜廊酒一杯
官閒非侍從
騎馬却歸來

元夕呈冲卿侍郎

范成大

人間勝事不常有自古年華無重回
半夜飛雲併行月
平明微雨拂輕埃蓮花正在山頭發
挑樹應從洞裏開
寄語夫君急行東省闈看是辟書來

上元有感

嶽樹五千仞蓮花千萬枝宛然明月夜
非是少年時已
自歡悰少那堪官緒羈人言急行樂
何以且遲遲

上元觀燈

萬家羅綺競喧闐樂事能并在錦川
蘭燭連衢千對闌

冰輪此夕十分圓
喜逢蜀國尋春日
正是摩陀供佛天
人物熙熙醒醉裡
却思風景似當年

和

通宵車馬鬬駢闐
競賞華燈遍蜀川
舞袖有時回雪妙
歌聲到處貫珠圓
銀缸弄影將殘夜
玉魄無輝欲曉天
誰識藩侯與民樂
虫虫猶望乞豐年

長安上元

賈崇儀

雍國唯今夜
通衢嘉致新
朱樓萬家月
芳樹一城春
遠

近笙簧韻往來車馬塵星移天欲曉猶有未歸人

上元景燈紀事

泛膏聞舊典秉燭嗣芳辰霞破初迎月寒林即讓春
鈞天移帝樂北斗下城闔匝地沉香燎浮空羅韞塵並珂
馳寶仗分幃驚雕輪忽去騰夷路還來競要津酒胡矜
耐美梅額銜粧新誰見甘泉時昏祠遂至晨

元夜觀正陽賜宴

雲端曉闕下呼鞭綵樹遙分坐殿前山戲百層平樂地

佛輪千影瑞陀天祥風入助銀花麗寶月來供雉扇圓
獻歲承平多樂事擊鞭誰美唱唐年

上元日駕幸太乙宮燒香

孫固

金輿晨動暖風微比屋歡呼望帝暉天喜宴開祈福地
雲深香滿侍臣衣九韶鳳舞當雙闕萬燭龍趨護六飛
為與吾民同樂事月寒猶未下端闈

恭和

呂公著

雪消春動氣清微夾道都人望帝暉法部已調絲竹管

欽定四庫全書

唐詩集卷八

御袍初進赭紅衣
康衢彌節嚴三衛
真館焚香降六飛
宴罷瑤池回蹕晚
五雲通夜擁端闈

恭和

韓縝

落落星垣下紫微
亭亭黃繖麗晴暉
清都窈窕琳為屋
絳節森羅羽作衣
夷樂造庭雙霍舞
華燈填道六龍飛
樓前方象齊傾首
髣髴消垠認帝闈

上元日

劉筠

漢典久傳祠太一
三墳亦說會夫人
蟾蜍吐耀祥輪滿

菑藹凝華寶炬新風轉相竿來帝樂香焚夾道雜車塵
承平多慶羣歡洽益見嚴宸奏紫旻

奉和聖製上元

瑞夾盈端月神燈燦寶輝執金停擗騎坐狄敞朝扉激
徵清歌歇晞陽醉客歸可封家自樂不獨在輕肥

奉和御製上元二首

仄鼓遲春漏千燈晃夕輝晴塵迷繡轂嚴鑰敞金扉
角歌相續旗爭醉不歸多歡逢舜旦薰唱致民肥

習習條風上元夕皇皇盛服彼都人泛膏寶典吳詞舊
試鼓漁陽稱曲新金界千輪凝佛火香街萬室待車塵
初年行樂羣心悅景福穰穰錫九旻

闕下元夕令領寄大有

張詠

月華瀟灑始徘徊時起平津雅宴開照座玉山皆俊彩
驚人綺句盡仙才秋風未泛鵝夷檝浮世皆登郢隄臺
的被隣翁深鄙誚尚迷繁盛不歸來

元夕感事悼季女之亡

崔正言

簫鼓無聲霧月昏
焚香燒燭為招魂
空惜老淚窺簾幕
不見吾兒入畫門

上元夕觀燈

四絕

韓駒

百千燈對水晶簾
尚覺遊人意未厭
衰病只思田舍樂
夜歸煙火望茆簷

玉作芙蓉院院明
博山微度小崢嶸
直言水北人稀到
也有槃珊勃窣聲

漢書云婦人行貌

淡淡新妝帶淺啼
催車只待日平西
驂駒宜自知人意

散入千花了不嘶

開卷愛公如季益解言明月逐人來多情好共春流轉
刻燭催詩又一回

上元喜雪

揚齊

靈威手擊蒼龍鞭和風一道飛騰天天公欲報大有歲
六花助興芳菲權紫姑雲輦歸時節太光碾碎挑柳葉
曉來樓閣萬家春白玉鴛鴦瓦新疊墉頭耕父被單褐
望歲欣欣掉歌舌王孫却恨此宵寒蘭膏凍黑香輪滑

元夕陪韓史君山前宴飲 安行

上元燈燭何煌煌，芙蕖萬朶呈春芳。
流星幾點墜平地，化作毬燭懸康莊。
我公高才作太守，與民快樂歌時康。
高結山樓躡雲漢，森列萬象如飛揚。
炬盆焰焰輝北斗，黃金點點飛紅光。
閒然鼓樂奏雜遝，洞天隱隱聲何長。
盛開華筵宴僚屬，妖姬舞妓妍新裝。
優俳戲劇盡堪樂，遊人士女如堵牆。
休誇蓬萊第一島，只此仙境猶相望。
我公欣逢好時節，爛然一舉嚙百觴。
佇觀飛詔歸帝鄉。

金史卷八十八
他年遺愛留甘棠

應求上元長葛與同寮出城

清晨出城西聯騎馳郊疆平蕪淨原野古木間清黃春
首月方半微風扇春陽曉寒輕料峭暖日曛暉光馬逸
道途平疾驅無遽遑捨馳古祠下杖藜緣高崗危亭極
目界西眺嵩與印邑古公事簡為僚非怠荒載酒訪春
華寧辭疾飛觴興盡相言旋仰看歸羽翔

予在東萊日
應求寄此二

詩來漫
錄之

上元至南劍州大雨寄泉州許通判

蔡襄

路遶溪回不計程行郵今復宿延平陰雲藏月不知處
急雨落天無數聲病起尚疑羣蟻鬬夢餘初聽一鷄鳴
泉山去歲同遊賞唯有知君識此情

上元夜復覩御駕時御端闈宣諭臣寮上元觀
燈以為遊賞與萬民同樂

疊聳青峰寶炬森端闈初晚翠華臨宸遊不為三元夕

樂事全歸萬衆心
天上清光開野色
人間和氣却春陰
要知盡作華封祝
四十年来惠化深

上元宋君甫洎諸公同飲

故國逢君懌喜偏
清宵行讌重留連
山樓上火人初合
天漢無雲月自圓
樂色時聞花院裡
春風都在酒旗邊
莫辭徹曙須沉醉
後會還應不計年

和人上元回文

沈 邁

情感此宵元切恨
遣懷高唱一聲歌
清澄月滿鋪遠路

烜赫蓮開未綠荷
觥酒滯時追伴侶
袖香凝處想紈羅
更深候望遙腸斷
爽約人歸不我過

歲時雜詠卷八

欽定四庫全書

歲時雜詠卷九

宋 蒲積中 編

晦日古詩

晦日泛舟應詔

盧元明

輕灰吹上管落瑩飄下蒂遲遲春色華
晚晚年光麗

同前

魏 收

裊裊春枝弱關關新鳥呼掉唱忽逶迤
菱歌時顧慕
賞芳月色宴言忘日暮遊豫慰人心
照臨康國步

月晦

唐太宗

晦魄移中律凝暄起麗城罩雲朝蓋上穿露曉珠呈笑
樹花分色啼枝鳥合聲披襟還眺望極目暢春情

晦日高文學置酒外事

并序

陳子昂

夫天下良辰美景園林池觀古來遊宴歡娛衆矣然
而地或幽偏未覩皇居之盛時終交喪多阻昇平之
道豈如光華啟旦朝野資歡有渤海之宗英是平陽

之貴戚發揮形勝出鳳臺而嘯侶幽贊芳辰指雞川
而留宴列珍羞於綺席珠翠琅玕奏絲管於芳園秦
箏趙瑟冠纓濟濟多延戚里之賓鸞鳳鏘鏘自有文
雄之客撫都畿而寫望通漢苑之樓臺控伊洛而斜
一臨神仙之浦淑則有都人士女俠客游童出金市而
連鑣入銅街而結駟香車繡轂羅綺生風寶蓋琱鞍
珠璣耀日於時律窮太簇氣淑中京山河春而霽景
華城闕麗而年光滿淹留自樂翫花鳥以忘歸歡賞

不疲對林泉而獨得偉矣信皇州之盛觀也豈可使
晉京才子惟推洛下之游魏室羣公獨擅鄴中之會
盍各言志以記芳遊同探一字以華為韻

首賦

高正臣

正月符嘉節三春翫物華
忘懷寄杯酒陶性狎山家
柳翠含煙葉梅芳帶雪花
光陰不相惜遲遲落景斜

又

崔知賢

上月河陽地芳晨景望華
綿蠻變時鳥照耀起春霞
柳

搖風處色梅散日前花淹留洛城晚歌吹石崇家

又

陳子昂

尋春遊上路退宴入山家主第簪纓滿皇州景望華玉池初吐溜珠樹始開花歡娛方未極林閣散餘霞

又

韓仲宣

欲知行有樂芳樽對物華地接安仁縣園是季倫家柳處雲疑葉梅間雪似花日落歸途遠留與伴煙霞

又

王勣

上序披林館中京視物華竹窓低露葉梅逕起風花景
落春臺霧池侵舊渚沙綺筵歌吹晚暮色泛香車

又

周彥昭

勝地臨鷄浦高會偶龍沙御柳驚春色仙筇掩月華門
邀千里馭杯泛九光霞日落山亭晚雷送七香車

又

張錫

雪盡銅駝路花照石崇家年光開柳色池影泛雲華賞
洽情方遠春歸景未賒欲知多暇日罇酒漬澄霞

又

高球

溫洛年光早皇州景望華連鑣尋上路乘興入山家輕
苔網危石春水架平沙賞極林塘暮處處起煙霞

又

弓嗣初

上序春暉麗中園物侯華高才盛文雅逸興滿煙霞參
差金谷樹皎鏡碧塘沙蕭散林亭晚倒載欲還家

又

高瑾

試入山亭望言是石崇家二月風光起三春桃李華鶯

來上喬木雁往息平沙相看會取醉寧知還路賒

又

王茂時

勝餞尋良會乘春翫物華還隨張放友來向石崇家止
水分巖鏡開庭枕浦沙未極林泉賞參差落照斜

又

周魚鈞

早春驚柳毵初晦掩萸華騎出平陽里筵開衛尉家竹
影含雲密池文帶雨斜重情外亭晚上路滿煙霞

又

徐皓

綺筵乘暇景瓊醕對年華門多金埒騎路引璧人車蘋
早猶藏葉梅殘正落花藹藹林亭晚餘興促流霞

又

長孫正隱

晦晚屬煙霞遨遊重歲華歌鐘雖戚里林藪是山家細
雨猶開日深池不漲沙淹留迷處所巖岫幾重花

又

高紹

嘯侶入山家臨春翫物華葛絃調綠水桂醕酌丹霞岸
柳開新葉庭梅落早花興洽林亭晚方還倒載車

又

郎餘令

三春休晦節九谷泛年華
半晴餘細雨全晚澹殘霞
樽開疎竹葉管應落梅花
興闌相顧起流水送香車

又

陳嘉言

公子申敬愛携朋玩物華
人是平陽客地即石崇家
水文生舊浦風色滿新花
日暮連歸騎長川照晚霞

又

周彥暉

砌莫收晦魄津柳競年華
既狎忘筌友方淹投轄車
綺

筵迴舞雪瓊醕泛流霞雲低天上晚絲雨帶風斜

又

解琬

主第簪裾出王畿春照華山亭一已眺城闕帶煙霞橫
堤列錦帳傍浦駐香車歡娛屢晦節醕醑來還家

又

高嶠

飛觀寫春望開宴坐汀沙積溜含苔色晴空蕩日華歌
入平陽第舞對石崇家莫慮能騎馬投轄自停車

又

劉友賢

春來日漸賒琴酒逐年華欲向文通徑先遊武子家池
碧新泉滿巖紅落照斜興闌情未極步步惜風花

正月晦日書事

李郢

業無家釀致隣翁得擬新溫引頰紅准擬片言能悟主
復求一飽定傷弓詩書奴婢晨占鵬鹽米妻兒夜送窮
早晚郊原莫零涕動搖葵麥有春風

正月末再來渡石橋見桃花盛開有感而賦

小桃弄色仍千本流水飄香又一年何必人如花灼灼

但教情似水消消

晦日重宴九首

高正臣

芳辰重遊衍乘景共追隨
班荆晤舊識傾盖得新知
水葉分蓮沼風花落柳枝
自符河朔趣寧羨高陽池

又

周思鈞

綺筵乘晦景高宴下陽池
濯雨梅花散含風柳色移
輕塵依扇落流水入弦危
勿顧林亭晚方歡雲霧披

又

高瑾

忽聞鶯響谷於此命相知正開彭澤酒來向高陽池柳
葉風前弱梅花影處危賞洽林亭晚落照下參差

又

陳嘉言

高門引冠蓋下客抱支離綺席珍羞滿文場藻麗摘
華彫上月柳色諳春池日斜歸戚里連騎勒金羈

又

韓仲宣

鳳樓先吹晚龍樓夕照披陳遵已投轄山公正坐池落
日催金奏飛霞送玉卮此時陪綺席不醉欲何為

又

方嗣初

年華鵲芳隰春溜滿新池促賞依三友延歡寄一卮烏
聲隨管變柳影逐風移行樂方無極淹留惜晚曦

又

陳子昂

公子好追隨愛客不知疲象筵開玉饌翠羽飾金卮此
時高宴所詎減習家池循涯倦短翮何處儷長離

又

高嶠

駕言尋鳳侶乘歡俯雁池班荆逢舊識斟桂喜深知紫

蘭方出徑黃鶯未轉枝別有陶春日青天雲霧披

又

周彥暉

春華歸柳樹晦景落棠枝置驛銅街右開筵玉浦陸林
煙含障密竹雨帶珠危興闌巾倒戴山公下習池

和晦日駕行昆明池

四首

李 乂

玉輅尋春賞金堤乘晦遊川通黑水浸池派紫泉流晃
朗扶桑出綿聯樹把周烏疑離海處人似隔河秋劫盡
灰猶識年移不故留汀州歸棹晚簫鼓雜紛謳

又

蘇頌

炎厯事邊垂昆明始鑿池
豫遊光復聖征戰罷前規
霽色清珍宇年芳入錦陂
御杯蘭薦葉仙仗柳交枝
二石分河瀉雙珠代月移
微臣比翔泳恩廣自無涯

又

沈佺期

法駕乘春轉神池象漢迴
雙星移舊石孤月隱殘灰
戰鷁逢時去恩魚望幸來
岸花緹騎繞堤柳慢城開
思逸橫汾唱歡承宴鎬陪
微臣凋朽質羞覩豫章材

又

宋之問

春豫靈池會滄波
悵殿開舟凌石鯨
渡香拂斗牛迴節
晦
莫全落春遲柳暗
催象溟看浴景燒
劫辨沈灰鎬飲
周文樂汾歌
漢武才不愁明月
盡自有夜珠來

晦日滌水侍宴應制

三首

宗楚客

御輦出明光
乘舟泛羽觴
珠胎隨月減
玉漏與年長
寒盡梅猶白
風遲柳未黃
日斜旌旆轉
休氣滿林塘

又

沈佺期

素澹接宸居青門盛祓除摘蘭諠鳳野浮藻溢龍渠苑
蝶飛殊懶宮鶯囀未疎景移天仗入歌舞向儲胥

又

張說

千行發御柳一葉下仙筇青浦宸遊至朱城佳氣濃雲
霞交暮色草樹喜春容藹藹天旗轉清笳入九重

晦日詔宴永穆公主亭

望邑山林美朝思晦日遊園亭含淑氣竹樹繞春流舞
席千花騎歌船五綵樓羣歡與王澤歲歲滿皇州

晦日

晦日嫌春淺江浦看潮衣道傍花欲合枝上鳥猶稀共
憶浮名晚無人不醉歸寄書題此日雁過洛陽飛

晦日宴遊

杜審言

月晦隨萸萸春情著杏花解紳宜就水張幕會連沙歌
管風輕度池臺日半斜更看金谷騎爭向石崇家

桂州陪王都督晦日宴逍遙樓

宋之問

晦節高樓望山川一半春意隨落葉盡愁共柳條新投
刺登龍日閒懷納鳥晨兀然心似醉不覺有吾身

晦日湖塘

孫逖

吉日初成晦方塘遍是春落花迎二月芳樹歷三旬公
子能留客巫陽好解神夜還何慮暗秉燭向城闌

晦日與盧舍人同諸補闕城南林園

芳年正月晦假日早先迴欲盡三春賞還須二阮才柳
迎郊騎入花近掖庭開宛是人寰外真情寓物來

晦日遊大理常卿城南別業 四首

王維

與世淡無事自然江海人側聞塵外遊解駟輶朱輪平
野照暄景上天垂春雲張組竟北阜汎舟過東隣故鄉
信高會牢醴及佳辰幸同擊壤樂心荷堯為君

郊居杜陵下永日同携手仁里霑川陽平原見峰首園
廬鳴春鳩林薄媚新柳上卿始登席故老前為壽臨當
遊南陂約略執杯酒歸歟繼徵官惆悵心自咎

冬中餘雪在墟上春流駛風日暢懷抱山川好天氣彫
胡先晨炊庖膾亦後至高情浪海嶽浮生寄天地君子
外簪纓埃塵良不啻所樂衡門中陶然忘其貴

高館臨澄陂曠然蕩心目澹澹動雲天玲瓏映墟曲鵲
巢結空林雉雊嚮幽谷應接無閒暇徘徊以躑躅紆組
上春堤側弁倚喬木弦望忽已晦後期洲應綠

晦日尋崔戡李封

杜甫

朝光入甕牖宴寢驚敝裘起行視天宇春氣漸和柔興

來不暇。嬾今晨梳我頭出門。無所待。徒步覺自由。杖藜
復恣意。免值公與侯。晚定崔李交。會心真罕儔。每過得
酒喫。二宅可淹留。喜結仁里歡。況因令節求。李生園欲
荒。舊竹頗修修。引客看掃除。隨時成獻酬。崔侯初筵色
已畏。空罇愁未知。天下士至性。有此不草茅。既青出蜂聲
亦暖遊。思見農器陳。何當甲兵休。上古葛天民。不貽黃
綺憂。至今阮籍等。熟醉為身謀。威鳳高其翔。長鯨吞九
州。地軸為之翻。百川皆亂流。當歌欲一放。淚下恐不收。

濁醪有妙理底用慰沉浮

陪王閬州晦日泛舟二首

山豁何時斷江平不肯流
稍知花改岸始驗鳥隨舟
結東多紅粉歡娛恨白頭
非君愛人客晦日更添愁
有逕金沙軟無人碧草芳
野畦連蛺蝶江檻俯鴛鴦
日晚煙花亂風生錦綉香
不須吹急管衰老易悲傷

晦日陪侍御泛舟北池得寒字

岑參

春池滿復寬
晦節耐邀歡
月帶蝦蟇盡
霜隨獬豸寒
水雲低錦席
岸柳拂金盤
日暮舟中散
都人夾道看

晦日在橋池亭作

儲光義

溫泉作天色
直北開新州
未有菰蒲生
即開鳬雁遊
六亭在高岸
數島居中流
晦日望清波
相與期泛浮
西道苦轉轂
北堤疲行舟
清吟紅木陰
纔可遣我憂

江陵晦日陪諸官泛舟

錢起

節物堪為樂
江湖有主人
舟行安更好
山趣久彌新
樽

酒平生意煙花異國春城南無夜月長袖莫留賓

晦日益州北池陪宴

司空曙

臨泛從公日仙舟翠幕張七橋通碧沼雙樹接花塘玉
燭收寒氣金波隱夕光野聞歌管思水靜綺羅香遊騎
縈林遠飛橈截岸長郊原懷灞澹陂澹瀉江黃常侍傳
花詔偏裨問羽觴豈今南峴首千載播餘芳

晦日與苗員外發同遊曲江 李端

晦日同攜手臨江一望春可憐揚柳陌愁殺故鄉人

和李相公勉晦日蓬池遊宴

同字

戴叔倫

高會吹臺中新年月挂空
貂蟬臨野水旌旆引春風
細草榮斜岸纖條出故叢
微文復看獵寧與解神同

晦日馬鎗曲稍次中流作

常建

夜寒宿蘆葦曉色明西林
初日在川上便澄遊子心
晴天無纖翳郊野浮春陰
波靜隨魚釣舟小綠水深
出浦見千里曠然諧遠尋
扣船應漁父因唱滄浪吟

晦日處士叔園林集讌

韋應物

遽看蓂莢盡坐闕芳年賞賴此林下期清風滌煩想如
萌動新煦佳禽發幽響嵐嶺對高齋春流灌蔬壤斟酌
遺形跡道言屢開獎幸蒙終夕歡聊用稅歸鞅

月晦憶去年與親友曲水遊宴

晦賞念前歲京國結年儔騎馬宣平里飲酒曲江流形
影隔天末空園傷獨遊雨歇林光交塘綠鳥聲幽凋畦
積逋稅華髻雜新愁誰言戀虎符終當還故丘

晦日呈諸判官

韓 況

晦日新晴春日嬌
萬家攀折渡長橋
年年老向江城寺
不覺東風換柳條

奉和

顧 況

江南無處不聞歌
晦日中軍樂更多
不是風光依柳色
却緣威令動陽和

晦日陪顏使君白蘋洲集東字

釋皎然

南朝分古郡山水似湘東堤月吳風在蒨車楚客同桂
寒初結佩蘋小顧成叢時晦佳期促高歌聽未終

晦夜李侍御宅集懷潘成湯衡海上人飲樂得
開字

晦夜不生月琴軒猶未開墻東隱者在淇上逸僧來茗
愛傳花領詩看卷葉裁風流高此會晚策屢徘徊

晦日宴遊

嚴維

晦日蒨裾俗春樓置酒時出山還已醉謝客舊能詩溪


柳薰晴淺巖花待閨遲為邦久無事比屋日熙熙

省試晦日同至昆明池泛舟 朱餘慶

故人同泛處遠望色中明靜見沙痕露凝思月魄生周
迴餘雪在浩渺暮雲平戲鳥隨蘭棹空波盪石鯨劫灰
難問理島樹偶知名自省曾追賞無如此日情

晦日送窮 二首

年年到此日漚酒向街中萬戶千門看無人還送窮
送窮窮不去相泥欲何為今日官家宅淹留又幾時



歲時雜詠卷九